

IIB MA GALO

FAAFINTA

RASMIGA

الرسمية



الجريدة

JAMHUURIYADDA DIMOQRAADIGA SOOMALIYA

الجمهورية الصومال الديمقراطية

Sannadka 11aad Muqdisho 29 Abr. 1983 1 r 4

FAAHFAAHIN BIL SOO BAXA

جريدة شهرية

Laanta Faafinta Rasmiga ah ee Madaxtooyada J.D.S. QIIMADU waa 5 Shln lambar waliba—RUKUNKA: Sannadii waa Shs. 100 Somaliya gudaheeda—dibaddeedana waa Shs. 300. Rukunka la weydiisto waqtiga loo gooyey wuxuu ka bilaa bmaa 1 Janayo Qiimaha qoritaanku F.R. halkii sadar iyo waxo ka yar waa 2 laba Sh. — Rukunka iyo qoritaanka waxaa a weydiistaa laanta Maamulka Faafinta Rasmiga ah—lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

QAYBTA

KOWAAD

SHARCI

SHARCI L. 4 ee 13 Abr. 1983, U rogid Sharci, Xeer Sharci Lamb. 2 ee 18 Maarso 1983.

BOG. 210

SHARCI L. 5 ee 2 Abr. 1983, Sharci ku saabsan dib u soo celinta Wakiilada Ganaacsiga Dibadda.

» 213

QAYBTA

LABAAD

XEER

XEER MADAXWEYNAHA J. D. S. L. 9 ee 6 Abr. 1983, Meel marin Heshiis dhe xmaray Dawladda Qadar iyo Dawladda J. D. S. Kuna saabsan Shaqaalaha Soomaaliyeed ee ka shaqayndoona Balka Qadar.

» 218

QAYBTA : LABAAD
X E E R

SHARCI Lambar 4 taariikh 13 Abr. 1983 U rogid Sharci
Xeerk Sharci Lambar 2 ee 18.3.83, Joojinta Qaadka.

MADAXWEYNAHA J. D. S.

ISAGOO TIXGELINAAYA: Oggolaanshaha Guddiga
Joogtada ah ee Golaha Shacbiga.

WUXUU SOO SAARAYAA

Sharciga soo socda:

Qod. 1aad

Waxaa loo rogay Sharci, Xeerka Sharci tirsigiisu yahay 2 ee soo baxay 18kii Maarso 1983, kuna saabsan Joojinta Qaadka, isagoo dib loo habeeyay, loona bedde lay sida ku tilmaaman qodobbada soo socda.

Qod. 2aad

Laga billaabo dhaqangalka Xeerka Sharci ee qodob ka sare ku tilmaaman, waxaa la mamnuucay in Qaad dibedda looga soo dejiyo Dalka J. D. Soomaaliya.

Qod. 3aad

Qof kasta ee Qaad Dalka J. D. S. Dibedda ka soo ge liya, soo qaada ama ka qayb qaata falalka noocaas ah, waxaa lagu ciqaabayaa.

Laba ilaa Shan Sanadood oo xabis ah iyo ganaax u dhexeeya Sh. So. 10 000 ilaa Sh. So. 50.000.

Shan ilaa toban Sanadood oo xabsi ah iyo ganaax u dhexeeya Sh. So. 50.000 ilaa Sh. So. 100.000, Haddii qof ku dembiga noocaas ah horey u galay.

Qaadka oo la gubo iyo Gaadiidka loo isticmaalay qaadiddiisa oo lala wareego, haddii ay caddaato in ula kac loogu soo qaaday.

Qod. 4aad

Beeraha Dalka gudahiisa ee Qaadku ku beeran ya hay, dadka lihi waa in ay ku baabi'yaan muddo hal Sano ku eg (31.3.84), kuna beddelaan beero cunno.

Haddii qofkaasi sidaan veeli waayo Qaadka waa la

Qod. 5aad

Laga billaabo dhaqangalka Sharcigan, waa mamnuuc in Qaad cusub Dalka gudahiisa lagu beero, qofkii beerana waxaa la saarayaa ganaax u dhexeeya Sh. So. 5.000 ilaa Sh. So. 25.000, iyo Qaadkii uu beeray oo la baa bi'iyo.

Qod. 6aad

1. Waxaa reeban in qaad dibedda looga soo saaro beerta uu ka baxo ee Dalka gudahiisa ah.

2. Qofkii ku xadgudba tilmaanta xubinta hore ee qodobkan, waxaa lagu ciqaabayaa xabsi u dhexeeya 3 ilaa 6 bilood iyo ganaax u dhexeeya Sh. So. 1.000 ilaa Sh. So. 3.000.

3. Haddii ujeeddada looga soo saaray ay tahay mid ganacsi, ciqaabtu waxay noqoneysaa 6 ilaa 12 bilood oo xabsi ah iyo ganaax u dhexeeya Sh. So. 5.000 ilaa Sh. So. 25.000.

4. Qofka beerta lihi ama ka masuulka ah haddii uu gacan ka geysto falalka kor ku tilmaaman, ama uu oggolaado in beerta dibedda loogala baxo Qaad, ciqaabta waa loo laba laabayaa.

Qod. 7aad

Marka laga reebo xaaladaha ku tilmaaman qodo. 2 iyo 6 ee Sharcigan, qof kasta oo lagu helo qaad Dalka gudahiisa ama dibeddiisa ka baxay, waxaa lagu ciqaabayaa xabsi u dhexeeya 6 ilaa 12 bilood, iyo ganaax u dhexeeya Sh. So. 5.000 ilaa Sh. So. 25.000.

Qod. 8aad

Qofka u xilsaaran ilaalinta iyo dhaqangelinta Sharcigan ee suura gal ka dhiga, ama fududeeyo, ama ku kaca fal ah in qaad Dalka la soo geliyo, lagu beero, ku sii beernaado waqtigii loo qabtay kadib, laga soo saaro halkii uu ku beernaa ama gudan waaya xilka ka saaran qabashada dadka haysta, wuxuu muteysanayaa ciqaabta qofka dhigan dembiga xilkii ka saarnaa uu gabay oo la

Qod. 9aad

Lacagta ka soo xeroota ganaaxyada ku tilmaaman Sharcigan, boqolkiiba Sodon (30%) waxaa loo bixina yaa abaalgud, waxaana loo qaybinayaa sida ku tilmaaman Qod. 9—B ee Sharciga tirsigiisu yahay 30, soona baxay 13kii Noofember 1980.

Qod. 10aad

Qaadista dacwadaha la xiriira dembiyada Sharci gani dhigayo waxaa awood u leh Maxkamadda Badaa dada Dalka.

Qod. 11aad

Wasaaradda Beeruhu waxay kaalmo u fidineysaa beeraleyda ku baabi'yo qaadka u beeran inta ayan dha maan muddada halka Sano ah ee ku tilmaaman Qod. 4aad ee Sharcigan.

Qod. 12aad

Waxaa la buriyay Sharci ama Xeer kasta oo ka soo hor jeeda ama aan la socon karin Sharcigan.

Qod. 13aad

Sharcigani dhaqangalkiisu wuxuu ka billaabana yaa 15ka Abriil 1983, waxaana lagu soo saarayaa Faa finta Rasmiga ah ee Jamhuuriyadda.

Muqdisho, 13.4.1983.

MADAXWEYNAHA J. D. S.

(Maxamed Siyaad Barre)